

**«Երևանի Ջերմաէլեկտրակենտրոն» պետական փակ
բաժնետիրական ընկերության կողմից էլեկտրական
էներգիայի (հզորության) արտադրության
լիցենզավորված գործունեությունն իրականացնելու**

Պայմանները

**(Լիցենզիա №0003, տրված ՀՀ էներգետիկայի
հանձնաժողովի 1999թ. հունիսի 10-ի №8 որոշմամբ)**

1. Սահմանումներ

Սույն լիցենզիայում օգտագործված որոշ հասկացություններ սահմանվում են հետևյալ կերպ.

Հանձնաժողով - ՀՀ էներգետիկայի հանձնաժողով՝ էներգետիկայի բնագավառում կարգավորող մարմին, որը գործում է «Էներգետիկայի մասին» Հայաստանի Հանրապետության օրենքով Հայաստանի Հանրապետության կառավարության կողմից իրեն պատվիրակված լիազորությունների հիման վրա:

Լիցենզիա - Հանձնաժողովի կողմից իրավաբանական անձին տրված փաստաթուղթ, որը հավաստում է էներգետիկայի բնագավառում սահմանված պայմաններով որոշակի գործունեություն իրականացնելու իրավունք:

Լիցենզավորված անձ - էներգետիկայի բնագավառում սույն Լիցենզիայով էլեկտրական էներգիայի (հզորության) արտադրության գործունեություն իրականացնելու իրավունք ստացած իրավաբանական անձ:

Ազգային էլեկտրական ցանց - սահմանված է «Էներգետիկայի մասին» Հայաստանի Հանրապետության օրենքով:

Կենտրոնական կարգավարական ծառայություն (ԿԿԾ) - Կենտրոնական կարգավարական ծառայության գործունեության Լիցենզիա ունեցող իրավաբանական անձ:

Ներկրող - Հայաստանի Հանրապետություն էլեկտրական էներգիայի (հզորության) ներկրման Լիցենզիա ստացած իրավաբանական անձ:

Սպառող - Լիցենզավորված անձի կամ հաղորդողի, կամ բաշխողի հետ էլեկտրաէներգիայի (հզորության) մատակարարման (առք ու վաճառքի) պայմանագիր կնքած իրավաբանական կամ ֆիզիկական անձ, որն ունի միացում համապատասխան էլեկտրական ցանցին և էլեկտրասպառման տեղակայանքներ:

Հաղորդող - էլեկտրաէներգիայի (հզորության) հաղորդման Լիցենզիա ստացած իրավաբանական անձ:

Բաշխող - էլեկտրաէներգիայի (հզորության) բաշխման Լիցենզիա ստացած իրավաբանական անձ:

Արտադրող - էլեկտրաէներգիայի (հզորության) արտադրության Լիցենզիա ունեցող իրավաբանական անձ:

Արտահանող - Հայաստանի Հանրապետությունից էլեկտրաէներգիայի (հզորության) արտահանման Լիցենզիա ունեցող իրավաբանական անձ:

Ուժի մեջ մտնելու ամսաթիվ - Հանձնաժողովի կողմից Լիցենզիայի գրանցման ամսաթիվ:

Ֆորս մաժոր - Արտակարգ և անկանխելի դեպքերի և հանգամանքների (տարերային աղետներ, ռազմական գործողություններ, էներգառեսուրսների /վառելիք, ջուր/ մատակարարման համակարգերի, Ազգային էլեկտրական ցանցի վթարներ, Հայաստանի Հանրապետության օրենսդրությամբ սահմանված սահմանափակումներ), հետևանքով, Լիցենզավորված անձի կամ քից անկախ առաջացած անհաղթահարելի ուժի պայմաններ, որոնք, մասամբ կամ ամբողջությամբ, անհնար են դարձնում լիցենզավորված գործունեության իրականացումը կամ սույն լիցենզիայի առանձին պայմանների պահպանումը:

2. Լիցենզիայի գործողության ժամկետը

2.1. Սույն Լիցենզիան ուժի մեջ է մտնում Հանձնաժողովում գրանցման պահից:

2.2. Սույն Լիցենզիան գործում է «5» տարի ժամկետով:

3. Լիցենզավորված գործունեություն իրականացնելու վայրը

3.1. Սույն Լիցենզիայով Լիցենզավորված անձին իրավունք է տրվում «Երևանի ԶԷԿ»-ում, սահմանված կարգով իրեն արտոնված հողատարածքում, իրականացնել էլեկտրական էներգիայի արտադրության լիցենզավորված գործունեություն:

4. Լիցենզավորված գործունեություն իրականացնելու էներգատեղակայանքներ

4.1. Սույն Լիցենզիայով Լիցենզավորված անձը լիցենզավորված գործունեությունը իրականացնում է N1 հավելվածում նշված հիմնական սարքավորումներով:

5. Լիցենզավորված գործունեության բովանդակությունը

5.1. Սույն Լիցենզիան ուժի մեջ մտնելու պահից Լիցենզավորված անձին իրավունք է տրվում իրականացնել էլեկտրական էներգիայի (հզորության) արտադրություն, փոխակերպում (տրանսֆորմացիա), առաքում (վաճառք) և դրանց իրականացման համար անհրաժեշտ

էներգատեղակայանքների շահագործում՝ սույն Լիցենզիայի պայմաններին համապատասխան:

- 5.2. Լիցենզավորված անձը սույն Լիցենզիայով սահմանված որևէ իրավունք և (կամ) պարտականություն իրավունք չունի պայմանագրային կամ այլ հիմունքներով ամբողջովին կամ մասնակի օտարել, զիջել կամ փոխանցել մեկ այլ անձի՝ առանց Հանձնաժողովի հետ համաձայնեցնելու և Լիցենզիայում համապատասխան փոփոխություններ և (կամ) լրացումներ կատարելու:

6. Լիցենզավորված գործունեության պայմանները

- 6.1. Լիցենզավորված անձի գործունեությունը պետք է համապատասխանի սույն Լիցենզիայի, Հանձնաժողովի կողմից սահմանված իրավական ակտերի, Հայաստանի Հանրապետության օրենսդրության և այլ իրավական ակտերի պահանջներին:
- 6.2. Լիցենզավորված անձը Լիցենզավորված գործունեությունը պետք է իրականացնի տնտեսական արդյունավետության սկզբունքներին, ստանդարտներին, անվտանգության տեխնիկայի նորմերին և հուսալիության ցուցանիշներին համապատասխան, ապահովելով էլեկտրական էներգիայի (հզորության) առաքման (արտադրության) քվոտաներով սահմանված ցուցանիշները:
- 6.3. Լիցենզավորված անձը չպետք է խոչընդոտի կամ փորձի խոչընդոտել այլ լիցենզավորված անձանց՝ Արտադրողի կամ Ներկրողի (Արտահանողի) գործունեությունը և (կամ) մրցակցությունը գործունեության այդ բնագավառներում:
- 6.4. Լիցենզավորված անձն իր գործունեությունն իրականացնելիս՝ պարտավոր է ապահովել մարդկանց կյանքի և առողջության անվտանգությունը, ինչպես նաև գույքի պահպանությունը՝ Հայաստանի Հանրապետության օրենսդրությանը համապատասխան:
- 6.5. Լիցենզավորված անձն առանց Հանձնաժողովի թույլտվության չի կարող դառնալ Լիցենզիա ունեցող մեկ այլ անձի բաժնետեր, փայատեր կամ միավորվել Լիցենզիա ունեցող մեկ այլ անձի հետ:
- 6.6. Լիցենզավորված անձի կանոնադրական հիմնադրամում 35 տոկոսից ավելի մասնակցություն ունեցող բաժնետեր կամ փայատեր իրավունք չունի առանց Հանձնաժողովի թույլտվության ձեռք բերել Լիցենզիա ունեցող մեկ այլ անձի բաժնետոմս, բաժնեմաս կամ ունենալ փայամասնակցություն:
- 6.7. Լիցենզավորված անձի և Լիցենզիա ունեցող այլ անձանց, ինչպես նաև Սպառողների հետ կնքվող էներգամատակարարման (առք ու վաճառքի) պայմանագրերը պետք է համապատասխանեն Հանձնաժողովի կողմից սահմանված պայմանագրերի օրինակելի ձևերին:
- 6.8. Լիցենզավորված անձի և էներգետիկայի բնագավառում լիցենզավորված գործունեություն իրականացնող այլ անձանց միջև կնքվող էներգամատակարարման (առք ու վաճառքի) պայմանագրերը ենթակա են գրանցման Հանձնաժողովում:

6.9. Լիցենզավորված անձը Հանձնաժողով է ներկայացնում Հանձնաժողովի կողմից սահմանված կարգին և ձևերին համապատասխան տեղեկատվություններ և հաշվետվություններ, ինչպես նաև տեղեկատվություններ՝

- բանկերում ունեցած հաշիվների մասին,
- տեխնիկական հսկողություն իրականացնող մարմինների կողմից կատարված ստուգումների մասին և ստուգումների արդյունքները,
- անցած ժամանակաշրջանի գործունեության մասին,
- հաջորդ հաշվարկային ժամանակաշրջանի տեխնիկատնտեսական ցուցանիշների կանխատեսումների մասին,
- երկարաժամկետ և կարճաժամկետ վարկային ծրագրերի մասին,
- տեխնիկական վերակառուցման, վերականգնման և արդիականացման երկարաժամկետ և կարճաժամկետ ծրագրերի և դրանց իրականացմանն ուղղված ֆինանսական ներդրումների մասին:

Ներկայացված ֆինանսատնտեսական ծրագրերը պետք է հիմնավորված լինեն համապատասխան հաշվարկներով և ենթակա են համաձայնեցման Հանձնաժողովի հետ:

6.10. Լիցենզավորված գործունեության հաշվապահական հաշվառումը և հաշվետվությունը պետք է համապատասխանեն Հայաստանի Հանրապետության օրենսդրությամբ սահմանված հաշվապահական հաշվառման պահանջներին:

6.11. Լիցենզավորված գործունեության հաշվապահական հաշվառումը և հաշվետվությունը պետք է առանձնացված լինեն Լիցենզավորված անձի կողմից իրականացվող այլ գործունեության հաշվապահական հաշվառումից և հաշվետվությունից:

6.12. Լիցենզավորված անձը պարտավոր է յուրաքանչյուր տարի՝ մինչև ապրիլի 30-ը, հանրապետական մամուլում հրապարակել նախորդ տարվա իր գործունեության ֆինանսատնտեսական հաշվետվությունը՝ համաձայն Հանձնաժողովի կողմից սահմանված ձևերի: Հրապարակված հաշվետվությունները չպետք է պարունակեն պետական և ծառայողական գաղտնիքներ:

6.13. Լիցենզավորված անձը պարտավոր է Հանձնաժողովի պահանջով իրականացնել իր ֆինանսատնտեսական գործունեության անկախ աուդիտ:

6.14. Լիցենզավորված անձը, Հայաստանի Հանրապետության օրենսդրությամբ սահմանված կարգով, պատասխանատվություն է կրում Հանձնաժողով ներկայացրած լիցենզավորված գործունեության հաշվետվության և այլ տեղեկատվության հավաստիության համար:

6.15. Էլեկտրաէներգիայի (իզոթերմալ) սակագները սահմանում է Հանձնաժողովը, օրենքով սահմանված կարգով:

- 6.16. Լիցենզիայի գործողության ընթացքում Լիցենզավորված անձն իր նախաձեռնությամբ, Հանձնաժողովի կողմից սահմանված կարգին և ձևերին համապատասխան, կարող է հայտ ներկայացնել գործող սակագների վերանայման վերաբերյալ:
- 6.17. Հանձնաժողովն իր նախաձեռնությամբ և իր կողմից սահմանված ընթացակարգով կարող է վերանայել գործող սակագները:
- 6.18. Լիցենզավորված անձը լիցենզավորված գործունեության հետ կապված ծախսերն իրականացնում է ըստ սակագնի մեջ ընդգրկված ծախսերի համապատասխան հոդվածների (ուղղությունների), ապահովելով շահագործման հուսալիությունն ու անվտանգությունը: Ծախսերի կառուցվածքի փոփոխության անհրաժեշտության դեպքում Լիցենզավորված անձը համապատասխան հիմնավորումներով նախապես դիմում է Հանձնաժողով՝ համաձայնեցման համար:
- 6.19. Հանձնաժողովը սակագների մեջ հաշվի է առնում միայն այն ծախսերը, որոնք հիմնավորված և անհրաժեշտ են լիցենզավորված գործունեությունն իրականացնելու համար:
- 6.20. Լիցենզիայի և հաստատված քվոտաների սահմանված կարգով վերանայման (ուժի մեջ թողնելու) համար Լիցենզավորված անձը պարտավոր է համապատասխան հիմնավորմամբ Հանձնաժողով և Կենտրոնական կարգավարական ծառայություն (ԿԿԾ) գրավոր հայտնել՝
- տվյալ տարում էլեկտրական էներգիայի (իզորության) քվոտավորված արտադրության կրճատման իր մտադրությունների մասին, ոչ ուշ, քան 6 ամիս առաջ,
 - հաջորդ տարում էլեկտրական էներգիայի (իզորության) արտադրության ծավալների կրճատման իր մտադրությունների մասին, ոչ ուշ, քան օրացուցային տարին սկսվելուց 9 ամիս առաջ,
 - իր կողմից էլեկտրական էներգիայի (իզորության) արտադրության սահմանափակման հանգեցրած (հանգեցնող) չկանխատեսված հանգամանքների մասին՝ անհապաղ:
- 6.21. Լիցենզավորված անձը պարտավոր է կատարել Ազգային էլեկտրական ցանցի Կենտրոնական կարգավարական ծառայության օպերատիվ հրահանգները և կարգադրությունները՝ ըստ գործող կարգի և նրա հետ կնքված պայմանագրի դրույթների:
- 6.22. Լիցենզավորված անձը պարտավոր է անմիջապես Հանձնաժողովին հայտնել այն հանգամանքների մասին, որոնք հանգեցրել են կամ կարող են հանգեցնել սույն Լիցենզիայի պայմանների խախտումների:

7. Լիցենզավորված գործունեության վերահսկում

- 7.1. Սույն Լիցենզիայի պայմանների պահպանման վերահսկումը Հանձնաժողովն իրականացնում է իր կողմից սահմանված կարգով:

- 7.2. Լիցենզիայի պայմանների պահպանման վերահսկումն ապահովելու նպատակով Հանձնաժողովը և նրա կողմից լիազորված ներկայացուցիչները ունեն ազատ մուտքի իրավունք Լիցենզավորված անձի տարածք:
- 7.3. Լիցենզավորված անձը վերահսկման իրականացման ընթացքում պետք է լիովին համագործակցի և աջակցի Հանձնաժողովին կամ նրա կողմից լիազորված ներկայացուցիչին:
- 7.4. Հանձնաժողովի կողմից լիազորված ներկայացուցիչները Լիցենզավորված անձի տարածքում պահպանում են ընկերության ներքին կանոնակարգը, անվտանգության և հակահրդեհային կանոնները, ինչպես նաև ՀՀ օրենսդրությամբ սահմանված նորմերը:

8. Տուգանքներ, լիցենզիայի կասեցում և լիցենզիայից զրկում

- 8.1. Լիցենզիայի պայմանների պահպանման վերահսկումն իրականացնում է ՀՀ էներգետիկայի հանձնաժողովը՝ համագործակցելով պետական այլ իրավասու մարմինների հետ:
- 8.2. Լիցենզիայի պայմանները չկատարելու, ոչ պատշաճ կատարելու կամ խախտելու դեպքում, ղեկավարվելով Հայաստանի Հանրապետության «Էներգետիկայի մասին» օրենքի 27-րդ հոդվածով, Հանձնաժողովը իրավասու է կիրառել հետևյալ տույժերը.

ա) նախազգուշացում և խախտումները վերացնելու հանձնարարականներ,

բ) Լիցենզիայի կասեցում,

գ) Լիցենզիայից զրկում:

Նշված տույժերի կիրառման կարգը սահմանում է Հանձնաժողովը: Օրենսդրությամբ սահմանված կարգով Հանձնաժողովը կարող է տուգանել Լիցենզիա ունեցող անձանց:

- 8.3. Լիցենզավորված անձին Լիցենզիայից զրկելու դեպքում Հանձնաժողովը և Լիցենզավորված անձը ղեկավարվում են «Էներգետիկայի մասին» ՀՀ օրենքի 37 հոդվածով և ՀՀ օրենսդրությամբ:
- 8.4. Լիցենզիայի գործողությունը կարող է դադարեցվել Լիցենզավորված անձի նախաձեռնությամբ՝ նրա գրավոր դիմումի հիման վրա: Մինչև Լիցենզիայի կասեցման կամ զրկման մասին Հանձնաժողովի կողմից համապատասխան որոշում կայացնելը, Լիցենզավորված անձը պարտավոր է շարունակել իրականացնել գործունեությունը՝ համաձայն Լիցենզիայի պայմանների:
- 8.5. Լիցենզավորված անձը չի ենթարկվում պատասխանատվության՝ սույն Կարգի 8.2 կետով սահմանված կարգով, եթե նրա գործունեության մեջ արձանագրված խախտումները ֆորս մաժորային հանգամանքների հետևանք են:

9. Լիցենզիայի դրույթների և պայմանների փոփոխություն

- 9.1. Լիցենզիայում փոփոխություններ կարող են կատարվել օրենքով սահմանված կարգով, Լիցենզավորված անձի կամ Հանձնաժողովի նախաձեռնությամբ:

- 9.2. Լիցենզավորված անձի իրավական-կազմակերպական ցանկացած փոփոխության դեպքում նա պարտավոր է Լիցենզիայի վերագրանցման կամ նրանում փոփոխություններ և լրացումներ կատարելու կամ նոր Լիցենզիա ստանալու հայտով անհապաղ դիմել Հանձնաժողով:
- 9.3. Լիցենզավորված անձը 5-օրյա ժամկետում ծանուցագրով տեղեկացնում է Հանձնաժողովին իր իրավաբանական հասցեում, հիմնադիր փաստաթղթերում և բանկային հաշվեհամարներում տեղի ունեցած փոփոխությունների մասին:

10. Այլ պայմաններ

- 10.1. Լիցենզավորված անձի բաժնետերերի (հիմնադիրների) փոփոխման դեպքում Լիցենզավորված անձը պարտավոր է դիմել Հանձնաժողով՝ սույն լիցենզիայում անհրաժեշտ լրացումներ և փոփոխություններ կատարելու համար:
- 10.2. Լիցենզավորված անձը վթարային և այլ իրավիճակներում, երբ սպառողների էներգամատակարարումը և /կամ Ազգային ցանց առաքվող քվոտաներով և պայմանագրերով սահմանված էլեկտրական էներգիայի քանակը /հզորությունը/ լրիվ կամ մասնակի դադարեցվել է, պարտավոր է ձեռնարկել իրենից կախված բոլոր անհրաժեշտ միջոցները էներգամատակարարումը հնարավորին սեղմ ժամկետներում վերակազմելու համար:
- 10.3. Լիցենզավորված անձը պարտավոր է աջակցել Կենտրոնական կարգավարական ծառայության Լիցենզիա ունեցող անձի կողմից իրականացվող՝ Ազգային էլեկտրական ցանցի հուսալիությունն ու անվտանգությունն ապահովող՝ Լիցենզավորված անձի սեփականությունը հանդիսացող պաշտպանիչ սարքերի, կարգավորիչների զննումներին, օրենսդրությամբ և այլ իրավական ակտերով ու պայմանագրերով սահմանված կարգով ապահովել այդ սարքերի շահագործումը, կատարել դրանց նորոգման, փոխարինման և այլ անհրաժեշտ աշխատանքներ, ինչպես նաև աջակցել իր տնօրինության տակ գտնվող այլ Անձանց սեփականությունը հանդիսացող պաշտպանիչ սարքերի, կարգավորիչների զննման իրականացմանը:

11. Ծանուցում

- 11.1. Լիցենզիայի վերաբերյալ պաշտոնական բոլոր ծանուցումները, հայտերը, պահանջները կամ այլ հաղորդագրությունները պետք է լինեն գրավոր և ուղարկվեն սուրհանդակի միջոցով կամ պատվիրված նամակով: Ցանկացած ծանուցում կամ հաղորդագրություն ուժի մեջ կհամարվի ստացման պահից կամ, եթե այն չի ստացվել հասցեատիրոջ մեղքով՝ ներկայացման պահից:

Լիցենզավորված անձի փոստային կարգաթիվը 375053

Հասցեն ք. Երևան, Արին-Բերդի 3-րդ նրբ. թիվ 3

Անվանումը «Երևանի Ջերմաէլեկտրակենտրոն» ՊՓԲԸ

Բանկային

հաշվեհամարները

«Արդշինբանկ» հ/հ 121360000214

Տնօրենի (նախագահի)

անունը, ազգանունը:

Հովակիմ Հովհաննիսյան

Ի վկայություն սույնի, Հայաստանի Հանրապետության էներգետիկայի
հանձնաժողովը սույն Լիցենզիան տրամադրել է

«Երևանի Ջերմաէլեկտրակենտրոն» ՊՓԲԸ

(ընկերության անվանումը)

ք. Երևան, Արին-Բերդի 3-րդ նրբ. թիվ 3

(իրավաբանական հասցեն)

Գրանցման ամսաթիվը

« 21 » « հունիսի » 1999 թ.

Գրանցման համարը

№ 0003

Ս. ԱՐԱԲԱԶՅԱՆ

Հանձնաժողովի պատասխանատու անձ,
մեթոդաիրավաբանական
վարչության պետ՝

Հավելված 1

ԷԼԵԿՏՐԱԿԱՆ ԷՆԵՐԳԻԱՅԻ ԱՐՏԱԴՐՈՒԹՅԱՆ ԼԻՑԵՆԶԻԱ

Լիցենզիա N0003

տրված է

«Երևան ԶԷԿ» ՊՓԲԸ

(լիցենզավորված ընկերության լրիվ անվանումը)

**Կայանի հիմնական սարքավորումների
ցուցակը**

սարքավորումների (բլոկի) անվանումը և կայանային համարը	սարքավորման մակնիշը	սարքավորման նոմինալ հզորությունը կամ արտադրողա- կանությունը	շահագործման հանձնելու տարեթիվը
Շոգետուրբին N 1	ԿՁ-60-130 / 13	60 ՄՎտ	1963
Գեներատոր N 1	ՁԹՂ 60-2		
Շոգեկաթսա N 1	ՁթԾ - 84	420 տ/ժ	
Շոգետուրբին N 2	ԿՁ -60-130 / 13	60 ՄՎտ	1963
Գեներատոր N 2	ՁԹՂ 60-2		
Շոգեկաթսա N 2	ՁթԾ - 84	420 տ/ժ	
Շոգետուրբին N 3	Հ-50-130 / 13	50 ՄՎտ	1963
Գեներատոր N 3	ՁԹՂ 60-2		
Շոգեկաթսա N 3	ՁթԾ - 84	420 տ/ժ	1964
Շոգետուրբին N 4	ԿՁ -60-130 / 13	60 ՄՎտ	1964
Գեներատոր N 4	ՁԹՂ 60-2		
Շոգեկաթսա N 4	ՁթԾ - 84	420 տ/ժ	1966
Շոգետուրբին N 5	ԿՁ -60-130 / 13	60 ՄՎտ	1966
Գեներատոր N 5	ՁԹՂ 60-2		
Շոգեկաթսա N 5	ՁթԾ - 84	420 տ/ժ	1967
Բլոկ N 6		160 ՄՎտ	1965
Շոգետուրբին N 6	Խ-160-130		
Գեներատոր N 6	ՁԹԹ -165		
Շոգեկաթսա N 6	ՁթԾ -94	500 տ/ժ	
Բլոկ N 7		160 ՄՎտ	1966
Շոգետուրբին N 7	Խ -160-130		
Գեներատոր N 7	ՁԹԹ -165		
Շոգեկաթսա N 7	ՁթԾ - 94	500 տ/ժ	